

آبونه شرائطی

ممالک نماینده سنه لکی (۶۵)، آلتی
آیلنی (۳۵) غروشدور .
ممالک اجنبیه ده سنه لکی (۱۷)، آلتی
آیلنی (۹) فرانقدر .

اداره فانه

باب عالی جاده سنده دائره مخصوصه

اضطارات

آبونه بدلی پشیندر .

مسلكه موافق آثار مع الممنونیه قبول
اولنور . درج ایدله یز یازیلر اعاده
اولنور .

کتابخانه

دنی ، فلسفی ، علمی ، ادبی متعلق مجموعه اسلامیه در .

صاحب و مدیر مسئول

اشرف الایب

اش محرز

محمد عاکف

والله یهدی من یشاء الی صراط مستقیم

اتبعون اهدکم سبیل الرشاد

وجه اول . — ادنی ایله اعلايه خطاب اولنور . ادنانك حكمی اعلايه اثبات اولنور . « فلا تقل لهما اف » نظم جلیلی « تنبيه بالادنی علی الاعلی » بایندندر . ادنی اولان تأقیف حرام اولونجه آنك مافوقی اولان ضرب و شتم بطریق الاولی حرام اولور . تأقیف (ادنی) منطوق به ، ضرب و شتم (اعلی) مسكوت عنه در .

وجه ثانی . — اعلا ایله ادنايه خطابدر . اعلا نك حكمی ادنايه اثبات اولنور . « ومن اهل الكتاب من ان تأمنه بقنطار يؤده اليك » نظم جلیلی « تنبيه بالا علی علی الادنی » بایندندر . اعلی اولان قطاری تأدیه ایدن بطریق الاولی ادنی اولان بر دیناری تأدیه ایدر . بر قنطارده (اعلايه) امانت ثابت اولورسه بر دینارده ، بر درهمده (ادنايه) بطریق الاولی ثابت اولور . تأدیه قنطار (اعلی) منطوق به ؛ تأدیه درهم و دینار (ادنی) مسكوت عنه در .

بو ایکسینه فحوی الخطاب دیرلر . متنده « تنبيه بالا علی علی الادنی » مذکور دکدر . فحوی الخطاب قیاس فحوی ده دیرلر . نته کیم کچن درسده ذکر اولونمشدر .

ایکنجیسنده : مسكوت عنه منطوق به مساوی اولور . مساوی ایله مساوی به تنبيه اولور . منطوق بهك حكمی کندینه مساوی اولان مسكوت عنه اثبات اولنور . « ان الذين يأكلون اموال اليتامى ظلما » نظم جلیلی « تنبيه بالمساوی علی المساوی » بایندندر . آیت کریمهده مال یتیمك اکل منطوق بهدر ، حرامدر . حرمتی تصریح ایدیلشدر . مال یتیمی یا فاق ، اکل ایتیمکسزین اتلاف ایتیمك مسكوت عنه در ، بونلرده حرامدر . منطوق به (اکل مال یتیم) مسكوت عنه (احراق و اتلاف مال یتیمه) مساویدر . متنده « تنبيه بالمساوی علی المساوی » ده ذکر اولونماشدر . بویهجه تنبيه الخطاب اوج قسم اولور :

(۱) تنبيه بالادنی علی الاعلی : اف ایله ضرب و شتم و امثاله تنبيه کبی .
(۲) تنبيه بالا علی علی الادنی : قنطار ایله درهم و دینار تنبيه کبی .
(۳) تنبيه بالمساوی علی المساوی : اکل مال ایله اتلاف و احراق ماله تنبيه کبی .

تنبيه بالمساوی علی المساوی به بعضری لحن خطاب دیورلر . ابن فورک لحن خطابی « اویله بر مضمردر که کلام اونسر تمام اولماز » دیه تعریف ایدیور . « ان اضرب بعصاك الحجر فانفلق » نظم جلیلنده (فضررب) لفظی ، « فعدده من ايام اخر » نظم جلیلنده (فافطر) لفظی اولمقسزین کلام تمام اولماز . لحن خطاب ایله ضرب ، افطار مفهوم اولور . خذف مضافلر لحن خطاب قییلندندر .

ارنی . — مرتب علیه اولان حکمه مناسبتی دهآ آز اولان در .

اعلی . — مرتب علیه اولان حکمه مناسبتی دهآ چوق اولان در .

منطوقه . — محل لفظده لفظك دلالت ایتدیکی معادر . تأقیف ، اکل مال ، تأدیه قنطار کبی .

مفهوم . — لفظك محل لفظده اولمقسزین دلالت ایتدیکی معادر . افك مدلولی اولان ضرب و شتم ، قنطارك مدلولی اولان دینار ، اکل مالك مدلولی اولان اتلاف مال ، سائمه نك مخالفی اولان غیر سائمه کبی .

مفهوم ایکی قسمدر : (۱) مفهوم موافق ، (۲) مفهوم مخالف .
مفهوم موافق . — منطوق بهك حکمه موافق اولان مسكوت عنه در . متکلمین مسلکی اوزره یازیلان اصول فقه کتابلرنده کی ، شافعیه و مالکیه اصولیینی عندنده دلالت ایکی قسمدر : دلالت منطوق ، دلالت مفهوم .
خنیفه اصولیینی عندنده ، فقها مسلکی اوزره یازیلان اصول فقه کتابلرنده کی دلالت عبارده ، دلالت اشاره ، دلالت اقتضا شافعیه ، مالکیه اصولیینی عندنده منطوق بایندن در . دلالت عبارده : منطوق صریح ، دلالت اشاره : منطوق غیر صریح غیر مقصود ، دلالت اقتضا : منطوق غیر صریح مقصود در .

مفهوم مخالف . — منطوق بهك حکمه مخالف اولان مسكوت عنه در . بوکا (دلیل خطاب) دیرلر . یاقینده ذکر اولونماشدر .

قیاس شرعی به ابن فورک (معنی الخطاب) دیور .

بو حالده خطاب درت نوعدر : (۱) فحوی الخطاب ، (۲) لحن الخطاب ، (۳) دلیل الخطاب ، (۴) معنی الخطاب . معنی الخطاب معقول الاصلده دیر ، اصل کتاب ، سنت اجماعدر .

تستر مسئله مهمه سی حقننده

مشيخت جلیله اسلامیه طرف علیاسندن داخله نظارت علیه سینه یازیلان تذکره سامیه حضرت مشيختنهای صوریدر :
« نسوا اسلامك شرع شريف احمدینك تعیین ایلدیکی دائرة منجیهده تحذر وعصمت اسلامیه ایله غیر قابل تألیف حالاتدن تحذر ایله دین مبین محمدینك محاسن اخلاقی نه درجه لرده تأمین ایلدیکنه ، بر تمثال ذی حیات اولملری وجا شدن ایکن برمدتن بری طرز تستر نسوان جدآ نأسفه شایان بر حال اکتساب ایتیم و بعض اجنبی مکتبلرنده اسلام قیزلرینك ارککلر آره سنده غیر مستور کزدکلری و بعض محللرده آجیق صاحبیق برطاقم اکلنجه لره اشراك ایلدکلری کمال نأسفه خبر آلمغه باشلامش اولوب نزد طایلرنده مستغنی بیان اولدینی اوزره بقای جمعیات اعتلای اخلاقیات ایله حاصل و بر قومده جوهر اخلاق تطرق فساددن نه درجه محفوظ اولورسه ار قوم ایچون اونسبتده محافظه موجودیت قابل اولدینغه و امور دینی و اخلاقیده مبالانسزانه قارشى مساعیه بو حالک اعتیاد درجه سینه وصولی انتاج ایدده کی جهته قطعاً تجویز اولونه میه جفته بناء آداب متینه اسلامیه و اخلاق فاضله ملیه مزه منافی و نأسفات عظیمه بی بادی اولان سالف الذکر حالات مشموده و مسموعه یه قارشى تدابیر سرریعه اتخاذی وجوبی درکار اولمغه جهاد فی سبیل الله ایچون سیکلر جه اولاد وطنک معرکه لرده قانلرینی ، جانلرینی فدا ایلدیکی برصیره ده بویه قهر الهی بی استلزام ایدده جک و قلوب مؤمنینی داغدار ایلده جک حاللرده بولونان نسوان ایله بونلره مساعدده و مساعیه ایدن ولیلر ی حقننده حال و حرکتلرینك افکار عمومیه اسلامیه ده حاصل ایلده کی تأثیر آلم و اخلاق تزییه ملیه یه ایراث ایدده کی ضرر عظیم ایله متناسب معامله شیده اجرایی ضمننده اقتضای حالک ایفاسنه هم جلیله نظارتینا هیلرینك مصروف بیورلمسی متمنادر اقدام .